



UNIVERSITÄTS-
BIBLIOTHEK
PADERBORN

Universitätsbibliothek Paderborn

Praxis Episcopalis

In Qva Episcoporum Non Tantvm, Eorumqve Vicariorum munus; sed
Parochorum etiam & conscientiarum directorium concernentium casuum
ac dubiorum indies occurrentium Resolvtiones ... quàm brevissimè
continentur

Zerola, Tommaso

Coloniae Agrippinae, 1680

Inventarium.

urn:nbn:de:hbz:466:1-10447

possumus, *c. sacris, de sepul. & Host. in sum. tit. de sepul. §: quib. interdicatur, n. 4, & c. sanè, 14, q. 2, Sym; de cath. Instit. 18, q. 9, c. ex parte, de verb. sig. sed isti communicatū est vivo ab Ecclesia per Sacramentum poenitentiae, ergo & in morte, ergo & in sepultura, & hic casus accidit in facto in terra Montis Fusculli, anno 1593. de mense Augusti, ubi cives erant tantummodo interdicti, & ita ego consului, cum fuerim rogatus.*

Secundò quæritur, quid si durante interdicto locali, vel personali homo interdictus moriatur, & de facto sepeliatur in loco sacro, præcedente poenitentia in eo, an sit ab Ecclesia exhumandus?

Respondetur negativè, patet regula vulgata, multa facta tenent, &c. vide Sylv. *ver. interdictum, §. 8: Pisa, & supplementum, eo. ver. 4 & 3. Innoc. in d. c. fin. ver. 7. de excess. prelat.*

Tertiò, quæritur an clerici, qui sepelirent hunc hominem interdictum, de facto sint excommunicati?

Respondetur primò, quòd sic, si scienter hoc fecerint. *Cle. 1. de sepul. Sylv. in ver. sic sepultura, §. 11. & ver. excommunicatio, 3, §. 5. Nav. c. 17. n. 137. notab. 34.*

Dico secundò, quòd si solemniter illum sepelissent in loco sacro, vel non hominem interdictum in loco interdicto, essent irregulares, solemniter intelligitur quando cum officio processionaliter, & pompa exequiali, Sylv. *in ver. interdictum, §. 8, ver. secundum, vide in c. alma mater, de sent. exc. l. 6: & ibi Doct. & præcipuè Covar. & c. fi. de cler.*

exc. celeb. & Nav. abundantius, conf. §. de sepul. vide in pract. mea pæn. 21. q. 17.

Quartò, inter dici non potest civitas, terra, universitas pro debito pecuniario, sine licentia Papæ. *Extravag. providè, Bonif. VIII. de sent. excom. prout dictum est in ver. interdictum, §. 6. etiam ex Clem. VII. Bul. 35. sed an hoc locum habeat in debito loci particularis, vide Covar. in c. alma mater, 2: p. §. 1. n. 5. & quæ differentia sit inter interdictum, & cessationem à divinis, vide ibidem, §. 2. & Paul. Rom. *tr. act. de pension. q. 8: n. 18: & breviter ea est, quòd in interdicto celebrans fit irregularis, in cessatione à divinis celebrans non efficitur irregularis, c. si canonici, de off. ord. lib. 6.**

Quintò, interdicto clero censentur interdicti regulares etiam conversi, *Cald. in c. ult. de excess. prelat. Cov. in c. alma mater, 2: p. §. 1: n. 8: ver. §. similiter interdicta cathedrali Ecclesia canonici ipsius possunt extra eam solemniter celebrare. Card. in d. c. ult. Covar. loc. cit. ver. 6. Sylv. in ver. interdictum, 2: §. 8.*

INVENTARIUM.

Pius V. *Bul. 124: quæ incipit: Nuncius,* præcipit Episcopis, & eorum superioribus, ut quotannis inventarium actorum criminalium conficere, & custodire teneantur, quia cathedralibus præfule viduatis Vicarii à capitulis constituti, gratia, timore, odio, vel sordibus quas volunt inquisitiones, & testimonia rerum, causarum criminalium, violant, surripiunt, & lacerant, ne

ne delictorum cognitio, vel vindicta à successore pœnam quis consequatur, an Episcopus teneatur facere inventarium rerum omnium Ecclesiæ suæ, disputat Covar. in c. 1. num. 9. de testam. & tandem concludit, quod non, tamen hoc fallit in visitatione, prout dictum est in ver. visitatio, ubi fit inventarium omnium beneficiorum, reddituum, & mensæ Episcopalis, & jurisdictionis.

JUDÆI, SEU INFIDELES.

Primò Judæi, seu infideles, se convertentes ad fidem, non amittunt eorum bona, Paul. III. Bul. 29. similiter Judæi immobilia Christianis vendere debent, Pius IV. Bul. 5.

Secundò, Judæi non possunt habere nutrices, neque servientes Christianos, Innoc. IV. Bul. 1.

Tertiò, Judæis est prædicanda fides, & conversi benignè suscipiendi, Nicen. III. Bul. 1.

Quartò, Judæorum privilegia, & indulta, vide Jul. III. Bul. 15: quæ incipit: *Vniversis*, & Paul. III. Bul. 29. quæ incipit, *Cupientes*.

Quintò, Judæi Medici vel infideles ad Christianorum curam non admittantur, Gregor. XIII. Bul. 71: quæ incipit: *Alias pie*.

Sextò, de blasphemia, & flagitiis Judæorum, pro quibus inquisitores omnes hæreticæ pravitate contra eos procedere possint, vide Greg. XIII. Bul. 73: quæ incipit, *Antiqua*.

Septimò, Judæorum, neophytorum, & infidelium, ad Catholicam fidem

converforum indulta, ac privilegia, & ordinationes circa eorum vivendi modum, vide Bull. Paul. III. 29: & 34: Jul. III. Bul. 18: Paul. IV. Bul. 18: & 24: Pii IV. Bul. 2: & 6: Pii V. Bul. 25.

Ostavo, Judæi prohibentur tenere libros Thalmuti, & alios, in quibus nomen JESU Salvatoris nostri, cum blasphemis, aut aliis ignominiosè nominatur. Jul. III. Bul. 46: quæ incipit, *Vniversis*.

Nonò, Judæorum causæ ad Vicarium Papæ pertinent in Urbe, idem Bul. 59: quæ incipit: *Cum sicut*, fallit quoad Judæos bancharios, quorum causæ, circa capitula banchariorum, spectant ad Camerarium Urbis. Greg. XIII. Bul. 43: quæ incipit, *Cum sicut accepimus*.

INDULGENTIA.

Multa in prima parte, & superius, in ver. *Annus Sanctus*, hic pauca pro quotidiana praxi breviter, cætera habebis in tractatu peculiari edendo (adjuvante illa divina clementia, cui est sempiterna laus) eo tempore, quo in alma Urbe inchoabitur celebrari Annus sanctus, Annus Jubilæus, in quo aperietur porta Ecclesiæ thesauri Christi fidelibus, verè pœnitentibus, à S. Domino nostro Clemente VIII. sicuti post osculum sacrorum pedum, licentiam petens à Sanctitate sua eundi gratia ad residentiam mei Episcopatus Minorensis, vesperi die Mercurii, quæ fuit decimaquinta Januarii 1597. hariolatus sum, dicens: Pater Sancte, redibo ad hos sanctos pedes, divina gratia,